

欽定古今圖書集成

方輿彙編職方典



欽定古今圖書集成方輿彙編職方典

第五百二十九卷目錄

漢中府部彙考一

漢中府建置沿革考

漢中府疆域考

有圖

形勝附

漢中府星野考

漢中府山川考一

府志未詳山川

職方典第五百二十九卷

漢中府部彙考一

漢中府建置沿革考

通志府縣志合載

本府

禹貢梁州周梁雍地曰褒曰南鄭春秋屬秦楚
戰國秦厲公城其地秦置漢中郡漢高帝為王
都於此改梁曰益蕭何名之曰天漢武帝分隸
益州部東漢為漢中郡統十三城後張魯據地
改曰漢寧三國時蜀有其地以為重鎮魏平蜀

分置梁州宋齊梁及後魏更置秦州亦置梁州及漢中郡後周改爲漢川郡隋初郡廢梁州如故大業初州廢復置漢川郡唐初爲梁州開元中改曰褒州尋復舊名天寶初又改爲漢中郡乾元初復爲梁州德宗陞爲興元府屬山南西道節度唐末蜀王氏孟氏繼有其地宋平蜀仍爲興元府元爲興元路明洪武五年改爲漢中府隸陝西布政司領州二縣十四曰南鄭褒城城固洋縣西鄉鳳縣金州平利石泉洵陽漢陰

白河紫陽寧羌州沔縣略陽金州因遭水患之後改名興安萬曆二十三年興安改隸止領州一縣八

皇清因之

南鄭縣 附郭

周褒國之附庸周褒鄭桓公沒於外其民南奔居此故曰南鄭秦厲公城其地漢高帝爲漢王都南鄭卽此東漢爲漢中郡治南北朝西魏改爲光義縣析置白雲縣隋復爲南鄭縣屬漢川

郡大業初併白雲縣入焉唐屬興元府宋元仍舊明爲漢中府附郭縣

皇清因之編戶十八里

褒城縣

古褒國禹分九州爲梁州域封其子爲褒侯遂名褒國周顯王之世蜀有褒漢之地後楚人兼之懷王衰弱秦略取焉秦爲褒中漢褒中都尉治漢陽鄉晉義熙末梁州徙治此改褒中縣南北朝後魏置褒中郡隋開皇改褒內屬梁州仁

壽中改爲褒城義寧二年更名褒中唐貞觀三年復爲褒城縣宋屬利州路興元府元屬興元路明因之隸漢中府

皇清因之編戶七里

城固縣

禹貢爲梁州之域周職方隸雍州戰國爲楚地秦爲城固縣屬漢中郡漢爲漢陽縣屬漢中郡三國蜀建興七年諸葛亮築樂城於城固爲樂城縣晉復爲城固南北朝宋齊梁魏皆因之隋

屬梁州唐武德二年更名唐固三年析置白雲縣九年省貞觀二年復爲城固宋元仍舊明因之隸漢中府

皇清因之編戶二十三里

洋縣

禹貢雍梁之域周隸雍州春秋爲楚地秦爲城固縣地隸漢中郡漢初仍之嗣置龍亭縣尋廢如初昭烈時隸益州爲蜀重鎮晉分置黃金興道二郡後魏分置興勢縣又改黃金郡爲縣置

洋州領之尋於縣置瀟城郡隋初郡廢縣屬洋州後州廢屬漢中郡唐復置洋州尋改爲興道縣又分置華陽縣與黃金縣俱隸於州天寶初徙州治於興道縣省華陽更置眞符縣設武安軍節度使於州城孟蜀爲武定軍節度避孟知祥諱改洋州曰源州宋復爲洋縣隸利州東路省黃金縣併入眞符縣元仍爲洋州以附郭興道縣眞符縣併入明洪武中改爲縣裁興道眞符馬盤入焉

皇清因之編戶三十四里

西鄉縣

禹貢屬梁州周隸於雍春秋爲楚地秦置漢中郡城固縣漢分城固半爲南鄉縣建置於歸仁山今漁渡壩是也晉改南鄉爲西鄉屬漢中郡魏改豐寧縣尋置洋州及洋川郡隋大業初州郡並廢復名縣曰西鄉屬漢中郡唐復於此置洋州天寶中洋州移置興道縣而西鄉遂爲外邑宋端平中縣廢元復置明因之

皇清因之編戶十七里

鳳縣

禹貢雍梁之交春秋爲氏羌所居戰國及秦爲隴西郡地漢高帝分置廣漢郡武帝爲武都郡領縣九其屬有故道河池二縣東漢晉因之南北朝後魏於此置固道郡南齊以固道郡置南岐州西魏改爲歸真郡又改南岐州曰鳳州隋廢州置河池郡唐初復爲鳳州天寶初改河池郡乾元初復爲鳳州五代蜀置武興軍宋降爲

團練州分川陝爲四路隸秦鳳路高宗南渡以鳳州隸西路仍爲鳳州領縣三治梁泉縣元以附郭梁泉縣併入明洪武三年仍爲鳳州隸鳳翔府四年改隸漢中七年降爲縣

皇清因之編戶九里

寧羌州

本沔縣故地周春秋戰國俱爲白馬氏之境名羊鹿坪漢分白馬氏置武都爲武都地武帝屬隴西郡之西邑更始隗囂據焉後隴蜀平分屬

漢中之沔陽魏武取漢中復隸武都西晉末爲氏人所據南宋取之屬東益州後魏置嶓冢縣屬漢中郡西魏屬興州隋改嶓冢爲西縣屬漢川郡後分屬利州唐初析綿谷置三泉縣宋平蜀先下三泉置大安軍屬大安高宗南渡爲利西路開禧中屬沔州元廢三泉改大安軍爲縣分西縣治鐸水縣而移沔州治之明改州爲縣地仍屬焉洪武三十年於此置寧羌衛成化二十二年置寧羌州隸漢中府

皇清因之編戶四里

沔縣

周戰國時爲白馬氏之東境秦屬蜀郡漢分白馬氏置武都以是地置沮縣置梁州治漢之沔陽屬漢中郡三國魏梁州治沔陽晉建興末爲氏楊茂搜所據南北朝宋置東益州後魏分置嶓冢縣西魏改東益州爲興州以縣屬焉隋廢沔陽改嶓冢爲西縣屬漢川郡唐武德三年以縣置褒州及金牛縣尋廢又爲興州順政郡宋

爲西縣屬興元府又改興州曰沔州爲利西路治元析西縣地置鐸水縣而移沔州治鐸水併西縣入略陽後又併鐸水入州屬廣元路明改州爲縣屬漢中府後置寧羌州因改隸焉

皇清因之編戶五里

略陽縣

禹貢梁州之域周春秋時爲氏羌所居秦爲蜀郡地漢爲沮縣地屬武都郡東漢因之晉初爲略陽縣屬略陽郡南北朝後魏爲略陽郡西魏

改略陽爲順政縣屬興州又置仇池縣後改曰靈道隋爲順政縣大業省靈道縣入焉屬順政郡唐屬興州順政郡宋開禧三年改爲略陽縣尋復爲順政縣屬沔州元復爲略陽縣至正十年併長舉及西鄉入焉屬沔州明初屬沔州洪武七年改屬漢中府成化二十二年屬漢中府寧羌州

皇清因之編戶四里

漢中府疆域圖



寶雞縣界

石泉縣界

四川界



階州界

文縣界

四川界

兩當縣界

漢中府疆域考

府縣志合載

本府

東一千二十里至湖廣上津縣界
西三百七十里至四川廣元縣界
南一百四十里至四川南江縣界
北六百四十里至鳳翔府鳳翔縣界三千五百
里至

京師

東西廣五百九十里南北袤七百八十里

南鄭縣

南鄭附邑也東至城固縣

西至沔縣

南至四川南江縣

北至褒城縣

東西廣一百六十里南北袤四十里

褒城縣

府北四十里為褒城縣東至

無考

西至沔縣

北至鳳縣

東西廣四百二十里南北袤四十里

城固縣

府東七十里為城固縣東至洋縣

南至四川通江縣界

東西廣四百里南北袤三十八里

按縣志東南至西鄉縣

東北至西安府盩厔縣

西北至褒城縣

洋縣

府東南一百二十里爲洋縣東一百六十里至鐵白鋪東桑溪交興安州石泉縣界

西五十里至漢王城朱家菴交城固縣界

南六十里至紅瓦鋪界牌交西鄉縣界

北二百一十里至華陽山二郎壩交鳳翔府郿縣界

東西廣二百三十里南北袤八百八十里

按縣志東南九十里至桃溪河申溪交西鄉縣

界

東北二百四十里至蒲河五顆樹交西安府盩厔縣界

西南七十里至梅子塢泥鰍溝交西鄉縣界

西北八十里至溢水村黃泥塢交城固縣界

西鄉縣

府東南二百二十里爲西鄉縣東一百二十里至興安州石泉縣界

西一百一十里至城固縣界

北三十里至洋縣界

東西廣六百八十里南北袤二百二十里

按縣志東南一百里至興安州紫陽縣界五百

五十里至四川太平縣界

西南一百一十里至孫家坪交城固縣界六百

里至四川通江縣界

鳳縣

府西北四百二十里為鳳縣東至鳳翔府寶雞縣

西至鞏昌府兩當縣

南至褒城縣

北至鞏昌府秦州

東西廣二百八十里南北袤二百里

寧羌州

府西南三百三十里為寧羌州東至沔縣

西至四川廣元縣界

南至四川巴州界

北至鞏昌府階州

東西廣五百二十里南北袤三百三十里
沔縣

府西南一百里為沔縣東至南鄭縣界

西至寧羌州

南至四川巴州界

北至略陽縣

東西廣一百八十里南北袤一百四十里

略陽縣

府北二百二十里為略陽縣東至褒城縣

西至鞏昌府階州

北至鞏昌府兩當縣

東西廣五百二十里南北袤七百二十里

形勝附

本府 南鄭縣附郭

舊志東接南郡南接廣漢西接隴右北接秦州
華陽志秦資其富用兼天下漢祖資之奄有四
海

通志成都喉啞巴蜀捍蔽陰谿窮谷萬仞直下

犇崖峭壁千里無上前控六路之師後據兩蜀之粟左通荆襄之財右出秦隴之馬秦頭楚尾一大都會

南鄭縣 東接荆襄西通巴蜀南襟江漢北控褒斜

褒城縣 東環褒水西峙牛山中梁聳其南雲棧繞其北

城固縣 南瞰巴山北據秦嶺西環壻水東帶饒峰

洋縣 南俯巴山北倚秦嶺褒斜西翼楚襄東障

西鄉縣 南臨木馬北倚蒿坪漢江遶其東巴山峙其西爲關南險要之地

鳳縣 大散扼其東武林障其西秦嶺限其北褒斜阻其南重巒疊嶂亭障聯絡隱然爲蜀門之重

寧羌州 劍閣朝天峙其西五丁嶓冢據其北南控蜀川之富東連漢沔之雄

舊志秦之坤蜀之艮臨高夾深九州之險

沔縣 北通秦隴南控川蜀山水稱為高峻冠

蓋時其往來

略陽縣 連峰環矗江濤洶湧道路險僻控扼

蜀門

漢中府星野考

府志

府屬總

春秋元命苞東井鬼宿為秦分

史記天官書東井輿鬼雍州之分

漢書地理志自井十度至柳三度鶉首之次乃

秦之分

明清類天文志東井輿鬼鶉首之次其辰屬未

自井九度至柳三度屬秦或曰自井十六度至

柳八度為鶉首屬秦之分

舊志分野之說昉於周禮保章氏其言曰九州皆有分星以觀妖祥而鄭註以井鬼屬雍州漢在雍州之西南秦地也

府志綜斯數者雖度數廣狹稍有不侔然漢當雍梁之域則星在井鬼之分無惑矣輿地志者統云井鬼軫翼分野夫軫翼屬荊州邑之近楚者有之非可槩指漢中

西華星度西鄉上應翼星之一度柳星之十七

度

輿志

西鄉縣志以西鄉屬梁隸雍遂為井鬼翼軫分野豈確論哉西華星度之書其可攷云

按各州縣志俱

井鬼分野惟西鄉縣志稱翼柳分野

漢中府山川考一
通志府志合載
本府南鄭縣附郭
僕頭山在府城東南一百里以形似名
石白山在府城東南一百八十里
鳩谷在府城南三十里有棲真觀并孤雲神
女祠
廉水在府城西南四里源出大巴山流入漢
江
湧泉在府城北六十里旱歲取其水禱之輒

漢中府山川考一

通志府志合載

本府南鄭縣附郭

僕頭山在府城東南一百里以形似名

石白山在府城東南一百八十里

鳩谷在府城南三十里有棲真觀并孤雲神

女祠

廉水在府城西南四里源出大巴山流入漢

江

湧泉在府城北六十里旱歲取其水禱之輒

雨

玉女潭 在府城西南二十八里

佛洗潭 在府城西北四十里水自懸崖下注

其潭有三地險水深

蓮花池 在府城南一十里

明珠井 在府城內西南

褒縣城

兩角山 在縣南一百二十里與孤雲山連接

極高有兩峰古語云孤雲兩角去天一握上有

淮陰侯廟

玉映山 在縣南一百九十里山前有神女祠

昔歲旱有神附人謂此山有靈液可取致雨人

隨神所指入深林抵山麓有石竇額云玉映山

麒麟洞乃設火入洞汲水而出果大雨後異其

事禱者無已

鳳凰山 在馬道驛東北山連兩翼形如飛鳳

上有廟

天池山 在縣南四十五里上有穴或名氣眼

又名風洞春夏多風秋冬白氣時騰頂有池冬夏不涸

雙乳山 在縣南九十五里廉水經其中而兩山並峙渾如人乳然

藏劍巖 在縣東南二十里俗傳漢高祖爲王時嘗藏劍於此

龍峯 在縣北二十五里山下巨石峻嶒突出有如龍首直走烏江岸波濤吞拍反折之狀如吸浪然明御史李復初名其處曰龍峯汲浪

石門 相傳爲五丁所鑿漢高祖通之以避子午之危者廣二步深八步高一丈此門通則七盤崎嶇可無跋也

馬道河 在縣北九十里發源自驛西山溝至樊橋與褒水合

讓水 在縣西南一百三十里一名遜水其源起於廉水溉田之餘東南流至古廉水城側與廉水合宋范伯年對明帝云臣鄉有廉泉讓水卽此

臘魚潭 在縣北一百一十里

馬鞍泉 在縣西南九十里出馬鞍山開渠溉

田東流與廉水合

凉水泉 在縣南四十五里梁山下一穴湧出

掬之如冰

神惠泉 在縣西十餘里宋元豐中里人營褒

德將軍廟乏水此泉忽湧出

城固縣

寶山 在縣東北十里地連牛蹄山壻水遶其

南上有寺曰惠香院

龍王山 在縣西南五里上柳渡有龍王廟祈

雨應

牛蹄山 在縣東北二十里上有張子房廟基

白雲山 在縣東北三十里東有神崖山南有

駱駝巷西連牛蹄山北接龍泉山多產藥餌卽

張良辟穀處

三嵎山 在縣西北四十里三峯高聳中多靈

藥

少年山 在縣西南四十里上有彭祖祠

石籌山 在縣西四十里

馬盤山 在縣北一百二十里山有上清中清

下清三溪俱流入壻水

南沙河 在縣北三十五里

小沙河 在縣南一十里

北水河 在縣西一十五里源自太白山來南

流經縣入漢江

雙溪河 在縣北二百七十里

石槽河 在縣北三百里

玉谷水 在縣西北二十五里漢水自魏興沂

流一百八十里至玉谷溪口

玉女潭 在縣北二十五里

五門潭 在縣西北二十里淵深莫測

洋縣

宋軍山 在縣北一百三十里舊有叢林今廢

止存大殿五楹前有古松二株偃蓋蟠鬱蔭約

數畝

韓仙山 在縣東一百四十里上建韓仙觀山腹有石洞愈姪韓湘曾趺坐於此

石銚山 在縣北六十里曲折層疊而上共九十四峯高聳連雲俯瞰邑境瞭然上有石椿石箱

祈子山 在縣南七里一名鳳翼上有聖母祠禱嗣輒應故名祈子俗名雞子非山巔雲興卽雨土人遇旱輒禱於此舊志云下瞰漢江東枕沙河峯巒聳翠林木葱鬱邑南勝概也

牛首山 在縣北五里以形似名又名龍首

石柱山 在縣西北一百里上有石屹立如柱又有石盤積水不竭歲旱禱雨多應

蒿坪山 在縣東六十里下有廟曰靈潤山腹有靈湫禱雨多應

女冠山 在縣北一百七十里石壁有女仙狀故名

大龍山 在縣北三十八里近有小龍山相接
焦崖山 在縣北五十里元梅雷率衆趨華陽

截焦崖即此

城山 在縣東北七十里山上有城三氏人楊難當所築

釋子山 在縣北十五里唐僧法照生此

萬櫻山 在縣南二十里

琉璃山 在縣西北三百二十里

擎紫山 在縣東北一百九十里以其高可擎

紫霄也俗名荆子金紫皆非

福仁山 在縣東北九十里

白崖山 在縣北六十里有白岩院林木葱鬱

清流環繞

苦江山 在縣東一百二十里漢水經其下若

苦蓋之狀故名

駱駝山 在縣北八十五里以形似名

馬鞍山 有二一在縣東北二十五里一在縣

東南五十里俱以形似名

南岐山 在縣東北三百里

陰嶂山 在縣西北十八里

中原山 在縣西北二十里上有中原廟

子房山 在縣西四十里上有留侯廟多產藥

文昌山 在縣東六十里四面皆山獨此有秀

氣

三盤山 在縣南三十里

兩角山 在縣北三十里山峯雙峙如角故名

上有聖母殿祈嗣響應

漢王嶺 在縣北七十里即駱谷道漢高祖曾

經此故名

諸葛嶺 在縣西北三十里武侯戍此

秦嶺 在縣東北三百九十里通秦川山海經

云秦嶺為天下大阻即終南山之東南麓

三嶺 在縣東二百餘里蜀費禕拒曹爽處

念佛巖 在縣北一十五里下有潭潭面如碧

鏡每歲五六月巳午間忽有泡光出艷異甚常

時則無有世傳唐僧法照念佛於此

蒙崖洞 在縣東北洞前有所鑿貞觀年號

八里洞 在縣北七十里內有石鼓石盆

赤阪 在縣東二十里其土色赭魏司馬懿伐蜀丞相亮待之於城固赤阪卽此

觀音洞 在縣東五十里酉水河崖頭內有石觀音像

神仙洞 在縣豐都山北崖

禪堂洞 在縣西北九十里內有石牀石佛等蹟

龍洞 在縣北八十里其洞有三俱有靈湫禱雨輒應

魚洞 在縣東北三百餘里水出石穴每仲春時有魚湧出

漢江 在縣南二里源出沔縣嶓冢山經縣東流過黃金峽至渭門出縣境達湖廣漢陽府大別山入江書曰嶓冢導漾東流爲漢是也自漢王城以東至渭門共一十六渡四十一灘

洋川 在古洋州今西鄉境內按置州之始在洋川之上因以爲名仍轄於州故洋川猶在州境中至明改州爲縣而西鄉不隸焉於是洋川

不在洋邑而在西鄉矣然邑名所由得故載以備攷云

灤水河 在縣西源出石銼山又名駱谷水經縣城之西入於漢

酉水河 在縣東七十里水經云出秦嶺西谷廣輿記亦稱酉水俗名右水入於漢

金水河 在縣東九十里源出秦嶺南流至黃金峽之金潭入漢

蒲河 在縣東北二百四十里源出秦嶺南流

會椒溪文水二河名三河口至白沙鋪會于午河入漢

椒溪河 在縣東北二百里至三河口合蒲文二水入漢

大沙河 在縣東南三十里

小沙河 在縣西南二十里

東峪河 在縣東南四十里

桃溪河 在縣東南六十里

鐵冶河 在縣北一百八十里

龍涓水 在縣東二十九里水出龍涓谷西流入漢江

駱水 在舊興勢縣一里唐德宗幸洋陸贄從而後上驚憂涕泣募得贄者賞千金頃之至上喜太子以下皆賀即駱谷道也

天寧溪 在縣東五里源出黃泥坡

平溪 在縣北二十里南流至平野名貫溪

龍泉 在縣東北十五里其泉清潔冬夏不涸

湧泉 在縣西北三十里普澤院殿前泉水泛

溢而出噴泡如珠璣亂落晶瑩若琉璃四映歲旱祈湫水瓶浮沉之狀若有神憑之者名士騷人多有題味

神女泉 在縣東南六十里泉有三穴旱禱多應

雷破泉 在縣西南三十五里泉出石上其水冬夏不竭

馬檻泉 在縣南十五里上有龍王廟

馬跑泉 在縣西北十五里一名殷家泉

放生池 在縣東門外

百頃池 在縣西南十里一名九頃池蓄沙河
水以灌田畝

酆都山池 酆都山頂有二池深各六七尺下
一池無水相傳昔有人濯足於中遂涸上一池
冬夏不竭稍穢則濁數日後始清

大唐池 在縣西二十五里其闊有二十畝居
民蓄水灌田

蓮花池 在縣東南二里

七女池 漢中記昔人無男養七女父沒女於
此負土各爲一冢遂成此池

百順池 在縣西二十二里溉田五百餘頃

飲馬灘 在縣東二里漢水中每子午時潮聲
響如雷

鴛鴦灘 在縣東二十里漢水中亂石錯落起
伏如鴛鴦狀

石門灘 在縣東三十里

西鄉縣

鐵城山 在縣東三十里

牛嶺山 在縣東三十里即金牛山

老家山 在縣西二十五里

樓山 在縣西五十里山如樓故名

觀子山 在縣西六十里上有觀曰雙河

神山 在縣西七十里

石人山 在縣西一百里上有石如人

風山 在縣西四十里

鳳凰山 在縣南十五里

飛龍山 在縣南五十里法寶發脉上有紫霧
冬不駐雪

馬耳山 在縣南五十里

楊家山 在縣南二百里上有宋楊侍郎墓

父子山 在縣南二百五十里漢將徐氏父子

固守因名

星子山 在縣東南三百五十里山脉自大巴

來陡落於洋源之前故名

金竹山 在縣南三百五十里產金竹

文昌山 在縣北十五里

望江山 在縣北三十里

雲盤山 在縣北二里彌陀寺後

午子山 在縣東南二十里三峯峭立二水環

流宋紹興間建翊聖保德真君廟明建上中下

三觀上肖雷祖元帝二像晴日巖頭輒有五色

光漢中勝景也

飛鳳山 在午子山左石壁蒼蒼如鳳凰飛上

鐫三大字甚遒勁側有虎崖鐫三字於石

冠朱山 在午子山右一名華表山峯巒峻峭

鬱鬱葱葱邑之文峯也

天仙山 在縣東南六十里上有紫衣真人故

址

鷹嘴山 在縣東南八十里

鷹山 在縣西南四十里龍溪發源于此

箭筈山 在縣西南五十里上有仙人遺跡石

芥菜兩石甕行人無心見之可以食飽味甘美

有心求之則不見

天池山在縣西南六十五里池有二鳧似鳳

常飛舞其中人無不見之何以金所和甘美

楊柳山在縣西南八十里

硃砂山在縣西南八十里上有飛泉山中有

野葱野韭居民採食與家菜無異但長大耳

小巴山在縣西南二百五十里上產木竹笋

賈客販賣

蒿平山在縣東北三里上有元皇欄公祠今

廢

被紫山在縣東北六十里

席冒山在縣南平定鄉山有石洞

埃子嶺在縣東二十里

拴馬嶺在縣南一百里漢張飛入蜀拴馬于

此因名

十二先鋒嶺在縣東南相連百餘里無人煙

兵道郭構神祠于中途住僧供茶以濟途人今

廢

金雞嶺在午子山右上有一石羊二羔走去

羊蹊河諺云金雞叫石狗咬惟有石羊來不到
今山下惟石狗在焉

仙人坪 在午子山右卽北庵也相傳善卷隱
此

八海坪 在縣南二百三十里

太白洞 在縣東八十里洞門有石人手執牛
角被髮相傳以爲巫人取真水化爲石人上有
二祠每旱禱雨輒應

朝陽洞 在縣西一百里

風洞 在午子山巔洞凡四五深不可測風出
入有聲冬則吐氣滃滃然以木葉投之則飛起
魚洞 在午子山左河中河水清則洞水濁河
水濁則洞水清常有人得瓢笠于其中蜀人瓢
笠也

龍洞 在縣西南石壁嵌空棟宇几牀之類衆
形皆具每旱土人禱雨其中以石投之則風雨
驟至凡八九十處

雨穴 在飛鳳山左雲起如車蓋輒雨中有千

歲蟾蜍樵者往往見之

紅崖 在縣東十里茂林修竹高閣臨流邑之勝景

梅子埡 在縣西一百里

建文崖 在縣西南三百里崖廣四十里碧光映文水之波晴霞瀉松瀾之瀑明建文皇帝潛此

白沔峽 在縣東七十里

穿石崖 在縣南七十里一壁千仞上有水簾

宋進士雷忠避兵于此

聖水峽 在午子山右泉水日三潮相傳舜遊于此

三里河 在縣西三里

白鐵河 在縣南六十里

楊家河 在縣南八十里

大竹河 在縣南一百里

撈旗河 在縣南一百一十五里唐明皇入蜀軍士失旗于河因名

洋溪河 在縣東南一百五十里崖有雙羊形跡

楮河 在縣東南二百里

平地河 在縣西南六十里西流入木馬

私陀河 在縣西南七十里

菩提河 在縣西南二百五十里

寺溪河 在縣東北五里

神溪河 在縣東北四十里傳有仙人騎驢過

此有蹄跡存焉

桑園河 在縣西北三十里一名東峪河

莖莒河 在縣西南四十里

七十二渡河 發源金竹山經七十二渡北入

洋

木馬水 在縣南一名馬源水源出巴山東流

入漢境內左西空渠二水皆注於此

東龍溪 在縣南二十里

西龍溪 在縣南三十里

天子溪 在縣西南七十里明建文皇帝憩此

高川 在縣東南一百五十里

大石川 在縣東南二百里

龍洞泉 在縣南三十里山上泉飛瀑布為邑

勝景

溫水泉 在縣西南六十里夏冷冬溫

飲馬池 在縣東南二十五里昔有人漁于此

入池不見

天池 在縣西南一百里

九龍池 在縣左西峽

鴛鴦池 在大巴山西夏冰不解有二鴛鴦常

遊池中故名

鳳縣

武都山 在縣南六十里有谷產雄黃

鳳凰山 在縣東五里世傳鳳凰嘗棲此

鳳嶺 在縣南二十五里昔鳳來儀曾翱翔于

此名人多留題

紫關嶺 在縣南一百五十里形勢峻險為虎

狼藪故設關于下

牛蹄嶺 在縣東一百里石上有牛蹄跡

麻峪 在縣南一百里山形峻惡多藏盜賊

酒奠凹 在縣西南四十里漢高帝自漢遷都

關中經此御食奠酒遺跡尚存

和尚原 在縣治東宋吳玠大敗金兀朮于此

野羊河 在縣南七十里源出紫柏山流至廢

丘關與東溝水合以山有野羊故名

靈泉 在三岔驛南七十里水自石縫中出旁

有神祠

鳴玉泉 在縣西十里一名滴瀝泉有鳴玉聲

涼泉 在縣西二十里西流與嘉陵江合

龍鼉池 在縣三岔驛西七里山頂上有一池

水極澄清四時不竭內產龍鼉

寧羌州 山川見後州志所載

沔縣

烽燧山 在縣治西昔人嘗置烽燧其上

鐵山 在縣北五里山出鐵宋姚仲于此置寨

以拒金人

大景山 在縣西北八十里與小景山相連景本作丙唐避諱改之山有穴方圓三丈餘其口向丙有水潛流每歲二三月有魚長八九寸從穴中出蜀都賦嘉魚出于丙穴是也

普明山 在縣西九十里東接金堆西連嶓冢藥水巖 在縣北有二石洞洞有泉飲之可愈疾

仙女崖 在縣北一百里崖上有穴僅容一人俗傳有女于此飛昇

起鳳岡 在縣西形勢起伏渾如鳳翥故名白崖洞 在縣東北九十里內有石龍王像大旱有禱卽雨

大安河 在縣西九十里源自普明山南流與漢水合

龍門溝 在縣北一里東臥龍山西烽燧山其中如門

蓮池 在縣治北其畔有諸葛亮讀書亭遺址每遇花時遊人甚多

略陽縣

盤龍山 在縣西五里下有泉水彎環如盤龍狀上有磚浮圖

寒山 在縣南一百里常有積雪

廚谷山 在縣南三百里崖穴常興雲霧如廚爨之狀

三公山 在縣西二百里上有王夫人楊氏墓三子俱登進士故名三公

分水嶺 在縣東南八十里嶺下水分東西流

殺金嶺 在縣西北一百二十里宋吳玠嘗于此築壘以拒金兵其旁地名殺金坪

青泥嶺 在縣西北一百五十里其上雨過多泥淖宋楊粹中題青泥驛詩山猶連蜀道人已作秦音

蝦蟆石 在縣南嘉陵江中以形似名

嘉陵江 在縣西南源出鳳縣東大散關歷兩當略陽會東谷等水流經四川利閬合州至重慶府入大江舊志嘉陵江有羊乳灘湍急可畏

犀牛江在縣西北一百二十里自階州東流入嘉陵江一名東西淮

東池在縣東唐賈島詩四面無炎氣環流闊復深蝶飛逢草住魚戲見人沉宋蘇軾詩百畝新池傍郭斜居人行樂路人誇自言官長如靈運能使江山似永嘉

府志未詳山川

南鄭縣志

寶山在府城北十里山中得二寶珠因名

龍岡山在府城西十里相傳梁天監中龍鬪此岡故名

漢山在府城西南二十里四峯八面北距漢水南接巴山山頂有天池歲旱禱雨多應

聽山在府城西北二十八里聽水出焉相傳漢唐公昉仙去其壻歸惟聞空中歌樂之聲故名

中梁山在府城西十五里以其鎮梁州之中故名按明一統志在褒城縣南三十里山有泉

注鶴騰崖下曰鶴騰泉

鶴騰山 在府城西南四十里相傳有仙人于此乘鶴騰去

此乘鶴騰去

玉京山 在府城西南四十里旱山之陽一峯

尖出

青銼山 在府城西南五十里上多杉檜頂有

一石如銼按明一統志又有立化童真身如觀

師示寂令童子煎茶茶次中路師已寂童子亦

執茶立化

黃牛山 在府城西南五十里有石黃色遠望

如牛下有再熟之稻

王子山 在府城北五十里峯巒拔削如畫屏

然

旱山 在府城西南六十五里一名崑山上有

雲卽雨旁有石牛十二秦惠王所造以給蜀者

寶頂山 在府城西南七十里上多生芝草

籠蓋山 在府城西南八十里與巴山相接老

渚河源出此

天臺山 在府城西北七十里頂平如臺郡治坐其岡有飛泉數百尺下爲深淵號佛子潭按明一統志山谷石皆堅潤有金星者可作硯

大巴山 在府城南一百九十里南接巴州春夏積雪不消孤雲兩角米倉諸山皆在其內按明一統志在府城南一百里

米倉山 在府城西南一百四十里最高絕頂可見褒沔洋鳳四縣按明一統志上有漢韓信廟相傳蕭何追韓信至此

梁州山 在府城東南一百八十里與孤雲兩角相接上甚平曠古梁州治卽此

七峯山 在府城北五十里其峯峭拔宋蘇軾曾遊于此

玉泉嶺 在府城西南三十里舊名薤谷岡赤崖 在府城西漢趙子龍退師燒壞赤崖以北閣道卽此

駱谷 在府城東一百二十里自洋之真符起至此屈曲八十里八十四盤姜維伐魏出此

篙埧洞 在府城東南小黃村崖壁間飛橋入洞洞中巉巖萬狀石乳參差

玉井洞 在府城北十五里平岡間穴深如井宋時大雷雨一石出泥中如老聃像因立祠其上

漢江 在府城南三里東流至漢陽府會大江水按明一統志自沔縣嶓冢山發源始出曰漾水南合沔水東流爲漢

老渚水 在府城南十里源自籠蓋山出至城

一十五里入漢江

東湖 在府治東南有塔影蘸其中

白鹿池 在府城北三十里嘗有白鹿見于此

玉井 在府城東十五里其水色白可療疾

金龍井 在府城內傳有黃龍現故名

褒城縣志

連城山 在縣北六里山有十二峯相連屬如城下瞰黑龍江相傳漢王練兵處亦名漢王山同鼎山 在縣東北十五里與雞翁相鼎峙故

名崖半有洞傳為異人斃翼虎處今劍尚在

箕山 在縣北十五里山有秦王獵池及丙穴

道人谷昔諸葛亮遣趙雲鄧芝等據箕谷即此

雞翁山 在縣北即連城後山唐溫造赴興元

節度遇雨不能進禱之乃霽文宗封山神為侯

牛頭山 在縣西北二十五里以形似名其上

雲覆如笠即雨又名戴笠山按明一統志山下

有靈液泉

雲霧山 在縣西北七十里頂有崖高百丈壁

有水痕如龍黑白各四顛倒懸掛

立石山 在縣西北八十里東連青銜西接金

華頂有大石如巨指壁立無心搖之則動按明

一統志在府城西南三十里

金華山 在縣南七十里峭峯環繞旁有數泉

合為一池按明一統志在府城南七十里

仙臺山 在縣南一百九十里上有古城不可

登山下時聞鐘磬之聲亦名玉女山

孤雲山 在縣南一百二十里與兩角山連語

云孤雲兩角去天一握漢蕭何追韓信至此按明一統志蕭何追韓信至府城米倉山今通志云至孤雲山未知孰是存參

七盤嶺 在縣北十三里雞頭關下自北南上盤迴七轉至頂尤險峻由此北入連雲棧

褒谷斜谷 在縣東北郡國志云北口曰斜南口曰褒長四百七十里同爲一谷兩谷高峻中間谷道褒水所流昔張良說高祖燒絕所過棧道曹操出斜谷遮要以臨漢中諸葛亮由斜谷

取郿皆此道也按何景明日余從入蜀漢道觀之其西南曰褒谷從褒入南曰駱谷從洋入東南曰斜谷從郿入其所從皆殊舊志謂首尾一谷非是其棧道有四出從成和階文出者爲沓中陰平道鄧艾伐蜀由之從兩當出者爲故道漢高帝攻陳倉由之從褒鳳出者爲今連雲棧道漢王之南鄭由之從城固洋縣出者爲斜駱道武侯屯渭上由之此四道三谷者關南之險阨攻取所從來固矣

箕谷 在縣西南二十五里箕山下即鄭子真
 隱居處舊有王鳳三聘啓並答書三通碑今壞
 黑龍江 在縣東門外源發太白山自東北合
 褒水東南入于漢
 沙河水 在縣西北六十七里源發雲霧山北
 流入褒
 青橋水 在青橋驛北源自西南流與褒水合
 石溝水 在縣北一百五十里源自武曲山至
 武關驛東合褒水

華陽水 在縣西二十五里源發牛頭山南流
 與漢水合

沔水 在縣南四里源出古金牛縣界南流合
 沮水按明一統志又東至南鄭入漢水漢志沔
 漢一水二名漢中人多生瘰又生粗脛其樹木
 亦多瘰大抵水土使然

鶴溪 在縣南五十里山峽流泉下注狀如瀑
 布飛練居民利之

連城池 在縣北六里連城山上廣一畝池水

冬夏不涸

玉泉 在縣南七十五里從平地湧出極深且廣水色如玉

沒底泉 在縣西南五十里水極深莫測

廉泉 在縣西南一百二十五里源發巴州大巴山密谷至中梁山南流與漢水合別流爲讓水

褒姒井 舊傳褒姒居此井取汲以沐則肌膚瑩膩女色殊媚今失其處

城固縣志

慶山 在縣北三十五里平地突起二峯俱若浮游一名浮游山
斗山 在縣西北二十里一峯高聳形似斗杓山有五穴道經謂通崑崙長安武當青城隴山按明一統志山有肉芝卽千歲蝦蟆也得而食之可以延壽

通關山 在縣北三十里蕭何守漢中修此道以通關中

天池山中在縣南三十里上有大池名天河池

四時不涸祈雨應

桃林山在縣北四十里上有石大士像隱然

于崖壁間林影不能蔽

九真山在縣北五十里道家謂太白山六百

里與三隅山相接有大峯上有九真玉井即此

赤土坡在縣北三十里諸葛武侯屯軍以禦

魏寇處

桃溪洞在縣西北水自洞出一日數潮其聲

隱隱如雷

壻水在縣東北六里許源發太白流經縣北

東入漢江唐公昉上昇其壻不與因投水中故

名

黑水在縣北五里源自太白山南流入漢江

禹貢華陽黑水即此按明一統志漢諸葛亮箋

云朝發南鄭夜宿黑水

文水在縣西北四十里壻水入漢處兩水合

流如文字

蓮花水 有二一在縣東五里一在縣南十一里皆產蓮故名

九龍池 在縣西南十五里俗傳有九蟒見池畔故名

洋縣志

酆都山 在縣西二十五里遠通秦嶺為漢南之巨鎮每年遠近奉香火者如蟻名人遊覽多所題味

興勢山 在縣北四十三里形如盆盤道而上

數里內有大谷漢諸葛亮成興勢即此按明一統志後魏興勢縣以此山名

寒泉山 在縣北一百二十里仙人李八百居處按明一統志李八百居此唐公昉師事之公昉渴八百以杖指崖間有泉湧出

太白山 在縣北四十五里天寶中得玉冊于此因改華陽縣曰真符山面隸鳳翔背屬兩當箕營谷 在縣北八里宋文同作亭谷中與蘇軾通詩往來

灤谷 在縣北三十五里寰宇記云南口曰灤北口曰駱其中路屈曲八十餘里凡四十八盤按明一統志唐德宗僖宗幸興元皆由此

黃金谷 在縣東十五里又名黃金峽漢水經其中按明一統志在縣東八十五里蜀將王平拒魏曹爽于此

子午谷 有二一在縣東一百六十里漢魏舊道梁將軍王神念以緣山避水橋梁不便別闢乾路仍名子午即今縣東三十里龍亭是昔魏

延請分兵由子午而北與楊貴妃嗜荔枝自涪陵由達州趨西鄉入子午至長安皆此路

潛水 在縣東六十里禹貢所謂潛沱既導是也

金水 在縣東一百一十里源出秦嶺流與蒲水合

溢水 在縣西北二十五里出秦嶺入漢口

苧溪水 在縣西北七里東流入漢溪多野苧

大小龍溪 在縣東北三十里有大石赤書展

溪二字相傳張魯女困臥石上有霧蒙身遂孕
後生二龍卽此

明月池 在縣西北中有一臺形似偃月相傳
漢高祖所築旁有七女池

五龍潭 在縣西一里岸上有五龍祠下有龍
骨

鵝翁潭 在縣西十五里中有石洞口有石鵝
一對按明一統志水流入洞莫知其出

僊浴潭 在縣東南六十里傳有仙浴其中石

上有仙跡存焉

醴泉 在縣南十里醴泉院中按明一統志院
中舊有檜柏後唐和凝詩古柏八株堆翠色靈

泉一派逗寒聲

聖泉 在縣西二十里病者飲之多愈

錫杖泉 在縣北十五里卽法照禪師卓錫杖
處

西鄉縣志

巴山 在縣西南一百五十里通四川巴州界

豐隆嶮峻林木蒼鬱爲邑之鎮山

阜軍山 在縣南五十里相傳張飛屯軍于此
雲亭山 在縣南八里山峯如亭常有雲起故名

歸仁山 在縣東南四百里產茶之處

遊仙山 在縣西南二百五十里有洞如房傳有仙居于此

饒風嶺 在縣東一百八十里或作饒峯嶺按明一統志宋吳玠敗金兵于此

武子洞 在縣南二十里其深莫測以石投之風卽起

洋水 在縣東二十里源發星子山流入漢江俗傳漢戚姬所生地

子午水 在縣東北一百五十里源發子午谷西流入漢

清涼川 在縣北十里卽今洋川唐德宗幸梁其帥嚴震具軍容迎之于此

龍泉 在縣東南二十里源發武子山石中湧

出遇卯午酉時水潮三五尺

鳳縣志

豆積山 在縣北一里一名虎腦一名遯跡上有消災巖佛閣下臨嘉陵江按明一統志上有不老泉世傳張果隱處宋提刑李大正嘗書遯迹山三字鑿于石

紫柏山 在縣南一百三十里高峻多出紫柏上有七十二洞異人多隱于此盛夏凝冰不消御愛山 在縣東北三十里唐僖宗幸蜀目其

雄秀愛玩不忍去按明一統志唐德宗巡幸至山下愛玩不能去因名

南岐山 在縣南十里上有竹雲洞洞有湫池有周之興鳳翱翔而集焉故南岐曰鳳州按明一統志湫池禱雨多應

玉泉山 在縣東八十里高寒不生禽鳥巔有大石覆如殿宇內有玉皇古像人傳以為天造君子山 在縣西南一十五里又名欣雲山上有三聖夫人洞方池各一

長松山 在縣東北一百里一山三峯皆產喬松

父子谷 在縣北二里崖大小相抱如父子然

唐僖宗幸蜀有叟進醪上問其居曰居父子谷

嘉陵江 在縣北一里出大散關西經兩當縣

與川江合

紫金水 在縣東一百五十里源出太白山下

入漢為褒水

大散水 在縣東五里自大散嶺發源流經縣

西與嘉陵江合一各故道水

紅崖水 在縣西十里源出秦州南流與嘉江

合岸有紅崖故名

七十二渡水 在縣南五十里源出金竹山流

入洋水其水滌洄人渡者凡七十二處

黃花川 在縣東北十里即大散水唐置黃花

縣即此

蜜蜂溝 在縣西南一百里地多蜜蜂居民利

之

香泉 在縣北十五里白石孔中出冽而甘宜釀酒

寧羌州志

龍首山 在州東南二十五里舊名馬面山明弘治戊午勅更今名謂其山巔崔岸如龍首然天臺山 在州東四十里頂平如臺勢凌霄漢煙霧朦朧夜雨朝晴

蟠塚山 在州北九十里形如塚漢水所出東入襄陽禹貢蟠塚導漾卽此

天池山 在州東南七十里層巒疊嶂迴出羣峯上有池寒氣逼人莫敢近視近則雷雹立至龍洞山 在州西南四十里上有寒泉紅魚時躍煙霞斷續俗傳有神驅龍于此故名

月山 在州東一里衆山抄拱一山其形如月冠山 在州南門外形如紗帽舊名紗帽山五丁山 在州東北四十里其峽曰五丁峽亦名金牛峽卽秦惠王令五丁開道以伐蜀處聖水崖 在州南三十里崖畔懸一石如龍頭

滴水清冽而甘人可仰面飲

龍洞 有二一在州東北一百里自高而下丈許洞門三十重每門有二石柱爲之障限內有石牀人謂龍牀下有水不竭旱禱卽澍一在州西一百五十里中崖一洞有天生石橋如龍門狀內有石像旁有仙桃色味異常

岫山洞 在州東南十五里中容百餘人水滴石乳成龜馬狀雲嘗封其洞口

洄水 在州西三十里其水滌洄遶城環廓故

名

燕子水 在州北一百二十里

玉帶水 在州西發源箭竹嶺遶城盤曲若帶

圍然

青木川 在州西三百里

蓮花池 在州西門外清溪成池灘聲清響若

雜管絃

沔縣志

定軍山 在縣東南十里兩峯對峙可駐萬軍

卽黃忠斬夏侯淵處

臥龍山 在縣北一里舊有蓮花池其畔有臥龍亭卽武侯讀書處

雲濛山 在縣東北二十里山高聳常有雲氣俗傳徐佐卿化鶴昇仙

潭壽山 在縣西八十五里

龍門山 在縣南六十里懸壁環合上透碧虛中敞大洞下漱清泉夏綴珠簾冬凝冰柱

卓筆山 在縣南三十五里一峯削出有如卓

筆

武興山 在縣東北十五里南臨漢江古武興郡治在此

石頂原 在縣南三十里按明一統志宋置關最險要

沮水 在縣西三十里出鳳縣南與漢水合又名沔水舊志謂沔在嘉陵之側非也

白馬水 在縣西三十里出龍門溝南入漢水
黃沙水 在縣東四十里出雲濛山入漢江

度水 在縣南二里有二源一曰清澗一曰濁澗
清水出鱖魚濁水出鮒魚

丙水 在縣北八十里出褒城牛頭山與沮水
合丙穴在焉

漾水 在舊大安軍南禹貢嶓冢導漾東流爲
漢

三泉 在縣西八十五里瀕江石上窪然爲泉
者三如車輪如盤蓋品列鼎峙

略陽縣志

堡子山 在縣西二里吳曦屯兵故地

玉女山 在縣東南三十里山峯特立雲霞掩

映半山有白石如人冠冕坐于崖間前有白石
數層如人侍立狀

冉家山 在縣北三里山勢起伏羣峯環拱晉
穆時冉閔生此

白熊山 在縣東八十里昔有白熊出此

八渡山 在縣北十五里四面險阻林木茂盛
路分三岔山溪交聚要害之地

大丙山 在縣南二十里下有石洞名曰丙穴
每歲清明嘉魚湧出

飛仙嶺 在縣東南四十里唐徐佐卿飛昇于
此卽入蜀路

烏龍洞 在縣北一百二十里

羅漢洞 在靈巖寺左深十餘丈闊數尋後有
邃穴深不可測中有石柱卽藥水巖

白水江 在縣西一百二十里

八渡水 在縣東八十步自徽州來經縣城流

入嘉陵江渡者凡一百八處

澧水 北發武都氏中南流入沔謂之澧

欽定古今圖書集成方輿彙編職方典

第五百三十卷目錄

漢中府部彙考二

漢中府山川考二
水利附

漢中府城池考

漢中府關梁考

漢中府封建考

漢中府公署考

